


Lox Tiag

Pui Samarix Pa Mhawm



Lukax 10:25-37

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)


Puag Pua Pa Koe Plak Khaix

Krax Pa Nih Nai Krai Lao Tau -


*Sax mat maix lie? Yam mat maix mawh
mawx pa teem ka maix?*

Singaix in ex tag sang yaox ti mhong been khaing pa krai Yesux gawng pui tix kaux, pui pa mat pa lo krax teem pui tix kaux kaux.


Pui pa viex ka daux been in mawh ra cub, cub Yudax nai cub samarix. Baux bawg yam ju Yesux pui Yudax mai pui samarix ang khaw paox tix, kix mawh pui pa koeng ka paox tix tom rheung num. Mawh khu tang been li ih kiix mai been yung yi kix heu. Ex tag yaox jhawm pui Yudax ra kaux. Tix kaux mawh cao giex kaing li, an tix kaux mawh lewix. Cao giex kaing li mai pui lewix mawh pui pa hoik cheung ka tawng tix lox pingnyap cie Siyiex, mai mawh pa hawt ti yuh heue. Viang mawh nan Yesux simie kix chix yaox rhawm rhi alo cie Siyiex. Mawh khu nan Nawh tom krai gawng krax moh krax rhawm ka daux been in heue.




²⁵ Jhak heue, cao prawng cao tawng lai been
tix kaux kaoh cung sonsang cheuk sang nyaw
ti yaox Nawh Cao, chawk ah nin, “Sara Cao
Gau eue, sonsang pon aux sin ju leeing ju, aux
tak sang yuh ka mawx?”



²⁶ Nawh Cao ah nin ka nawh “Hoik tiem ti deuh daux lai beenli pa yuh ka mawx? Maix phat pa ah ka mawx?”



²⁷ Kaw an deeh pawk lox ah nin, “Maix tak moh Siyiex maix khawm rhawm khawm rhi tix khawmuik mai khawm ju tix khawmuik mai khawm riang rao tix khawmuik mai khawm ka dee chix keud tix khawmuik mai maix tak moh paox plawg tix awm moh tokaux tix heue.”




²⁸ Nawh Cao baux ah nin ka nawh, “Lox pa pawk maix khaw heue. Yuh nin heue, maix tak pon tix im ju heue.” ²⁹ Viang mawh nan kaw an, simie ti yuh tokaux tix, awm pui rahsee pa ang koe dee lud, nawh tom chawk ah nin ka Yesux, “Paox plawg paox nyhawm aux mawh mawx?”




³⁰ Yesux pawk lox nawh ah nin, “Pui tix kaux kaoh lih hu khaing veng Yerusaliem, sonsang hu ka veng Yerikho,




nawh sidah pui tud rhim pa rud ti teei
kraung nawh khawmuik mai tap toi nawh, tom
dex yum mai grham nawh tan mai lih hu heue.




³¹ Cao giex kaing li tix kaux lih hawt krax an,
yam yaox nawh kaw an, nawh via plak teh krax
mai luan hu heue.




³² Awm an pui Lewix tix kaux kawx, yam
hoek nawh tan, yaox kaw an, via plak teh krax
mai luan hu heue.




³³ Viang mawh nan, pui Samarix tix kaux,
yam hu nawh krax hoek dee ot kaw an, yam
yaox nawh kaw an, nawh caux rhawm kah,
³⁴ mai hoek ka nawh mai groi rawm bee mai
rawm plix siiet ka dee mat nawh mai pua
dee saux nawh



mai deuh nawh ka piang khawng brug
nawh mai viex nawh hu ka nyiex nyo mai kia
ngien nawh heue.



³⁵ Singaix pasax yam lih hu nawh teei denari ra plah mai tawx ka cao nyiex nyo an mai ah nin ka nawh, kia ngien kaw in mai baux uik maix miex ding ka piang in, yam deeh hoek aux sax, aux tak deeh viied ka maix heue.



³⁶ Maix ce yuh ka mawx, ka daux pui in loe kaux, mawh mawx pa mawh paox plawg ka kaw pa sidah pui tud rhim an lie?” ³⁷ Cao prawng cao tawng lai been an, deeh pawk ah nin, “Mawh kaw pa caux rhawm ka nawh heue.” Yesux baux ah nin ka nawh, “Maix kawx, hu mai yuh awm an heue.”

k. Deeh Thawk Theng

1. Cao prawng cao tawng lai been chawk pa tix ka Yesux?
2. Pingnyap Siyiex mawh pa tix?
3. Mawh khu jao pa tix cao prawng cao tawng lai been chawk ka Yesux ah, “paox plawg paoxnyawm aux mawh mawx?”
4. Yesux ah lih mawh grawng pa tix ka dau been in?(Cao gau lo ti krai sidawng kaw pa sidah pui tud rhim mawh pui ceu Yudax awm cao giex kaing li mai Lewix.)
5. Pui Samarix jhi krax moh tix ka dau blawng pa yuh ka mawx ka kaw pa mat an?
6. Khaix hoik krai Yesux been, Nawh ah pa tix ka cao prawng cao tawng lai been?

kh. Krax Pa Doh Rhawm Ka Been

1. Maix keud yuh ka mawx ka grawng ang cao kaing li mai lewix teem ka kaw pa mat an?
2. Maix keud yuh ka mawx ka grawng pa teem pui samarix ka kaw pa mat an?
3. Maix keud yuh ka mawx ka grawng pa krai Yesux been in, ka cao prawng cao tawng lai been?
4. Paox plawg paoxngawm pa nhie Siyiex ex moh mawh pui mawx?

G.Krax Pa Deeh Shiao Daux Ju Tix Khaing Been

1. Mawh kheu jao pa tix bawg tix blah ex ang pon teem ka pui tang kaux?
2. Siyiex teem ex yuh ka mawx ka daux ju ex?
3. Ex sang chix yaog yaw Siyiex, kheu ceu pa hoik teem Nawh ka ex yuh ka mawx?
4. Maix pon rieb gau ceu pa tix khaing been in?

Ng. Krax Pa Deeh Shiao Daux Ju Tix

1. Yesux tawng ceu pa keud ex daux rhawm tix khawm uik heue.
2. Yesux moh ka pui khawm uik, mai Nawh simie kawn praix Tix khankix im ju mai krax moh heue.
3. Phan ex tawng gumlox Siyiex (awm cao giex kaing li mai lewix) ngie ang koe krax moh, gumlox Nawh ang koe ngawh jum ka daux ju ex.
4. Yesux awm pui samari son ex daux been in. Ex koe phimap mai sivix, ang chix deeh teem ka tokaux cao tix. Viang mawh nan Yesux hoek mai teem ka ex.
5. Maix pon rieb gau ceu pa tix? Kawn koe lox chawk maix lie?

Baux Lai Pa Caw Ti Ci

Lukax 10:27 Kaw an deeh pawk lox ah nin, “Maix tag moh Siyiex maix khawm rhawm khawm rhi tix khawmuik mai khawm ju tix khawmuik mai khawm riang rao tix khawmuik mai khawm ka dee chix keud tix khawmuik mai maix tak moh paox plawg tix awm moh tokaux tix heue.”